

das er und syne erben inne haben drye steyne wachssis, dy ym Nickel Wolfhard abgekawft habe und ym dy mit gereiten gelde habe vorgolden, dy phennige Jurge egnanter an synen unde syner erben fromen gewant habe. Dy drye steine wachsis sol er unde syne erbin inne haben, dy wiele Nickel Wolfhard lebet, unde sulle dy czit, sy das wachs inne haben, alle jare iclichs jare besunder davon czu czinse gebin drye phund wachses, eyn phund wachsis sulen sy gebin czu der pharrekirchen Unser Libin Frauwen czu Czwigkow^{b)} den altermannen, daz andere phund wachses in das closter den munchen der brudern der Parvusen ordin czu Czwigkaw, daz dritte phund wachses sullen sy gebin czu dem Grünehayn czu sente Nicolaws dem costodi. Dy egeschriben dry phund wachses sullen sy geben alle jare uff unser frauwe tag ^{(c)der lichtewye.} Wennne denne Nickel Wolfhard abgestorbin ist, so sullen Nickel Jurge unde syn erben und erbname dy^{d)} dry steyn wachses dornach nach syne tode bynnen eynen vierteil jaris gebin und unvorczoglichin richten den obgenanten dryen kirchen, eynen der pharrekirchen czu Unser Frauwen den altermannen czu Czwigkaw, den andern czu sente Nicolai czu Grunhayn, den dritten dem closter den munchen czu Czwigkaw, daz das obgeschr(iebene) selegerethe und ordenungen von Nickel Jurgen und synen erbin stete und gancz, alz vorgeschr(ieben) stet, gehaldin werde. So hat er darubir vor sich und syne erben vor dy dry steyne wachsis und vor dy czinse syne wyse oben uff dem anger vor dem Trengthor gelegin czu phande gesaczt unde dy dem rate davor williclichin uffgelazin, als phand recht ist. Daz ist gescheen M CCCCnono ame sunnabende quasimodogeniti.

a) alles durchgestrichen b) folgt durchgestrichen dy c-c) am rechten Rand ergänzt d) am rechten Rand, Einfügestelle gekennzeichnet

228.

1409/10 --

Nennung von Bürgermeister und Rat.

fol. 33v Acta de anno domini millesimo quadringentesimo nono et decem apud rectorem consulum Henricum Caldinkūchen et suos consides Conradum Bernhardi, Johannem Stechawe, Petrum Korbern, Johannem Horlman, Hermanum Marquard, Andree Goltsch, juvenem Burghard, Johannem Kelner, Francz Kirtschern, Hennel Albricht et Hennelinum Pucherum juratos.